

MARÍA DEL CARMEN BASADRE VÁZQUEZ, CONCELEIRA-SECRETARIA DA XUNTA DE GOBERNO LOCAL DO EXCMO. CONCELLO DE LUGO,

CERTIFICO: Que a Xunta de Goberno Local, en sesión ORDINARIA celebrada o vinte e un de xaneiro de dous mil quince, adoptou, entre outros, o seguinte acordo:

14/35 CONTRATACIÓN DUN SERVIZO DE LACERÍA E PRESTACIÓN DE SERVIZOS ASOCIADOS AO SEU FUNCIONAMENTO NO CONCELLO DE LUGO. DECLARACIÓN DE DESERTO DO PROCEDIMENTO E APERTURA DE NOVO PRAZO DE LICITACIÓN.- Examinado o expediente tramitado para os efectos e visto o informe proposta do Xefe de Servizo de Contratación, Patrimonio e Fomento, do 15 de xaneiro de 2015 que, na súa parte expositiva, fai constar:

“ANTECEDENTES

I.- Acordo numero 11/872 da Xunta de Goberno Local, do 3 de decembro de 2014, polo que se aprobou a contratación dun servizo de lacería e prestación de servizos asociados ao seu funcionamento no Concello de Lugo, a aprobación dos pregos de cláusulas administrativas e de prescricións técnicas así como a apertura do procedemento aberto mediante publicación de anuncio de licitación no BOP de Lugo para a adxudicación do contrato.

II.- Anuncio de licitación no Boletín Oficial da Provincia de Lugo número 296 do 27 de decembro de 2014.

III.- Informe do Negociado de Rexistro do Concello de Lugo do 13 de xaneiro de 2015 no que indica que non se presentaron plicas á contratación de referencia

IV.- Acta da Mesa de Contratación do 14 de xaneiro de 2015 no que á vista do informe do Rexistro Municipal acorda propoñer a declaración de deserto do procedemento e a apertura dun novo prazo de licitación.

LEXISLACIÓN APLICABLE

- Lei 7/1985, do 2 de abril, reguladora das bases do réxime local (LRBRL).
- Real decreto lexislativo 781/1986, do 18 de abril, polo que se aproba o texto refundido das disposicións legais vixentes en materia de réxime local (TRRL).
- Lei 5/1997, do 22 de xullo, de Administración local de Galicia (LALG).
- Real decreto lexislativo 3/2011, de 14 de novembro polo que se aproba o Texto Refundido da Lei de Contratos do Sector Público (TRLCSP)
- Real decreto 1098/2001, do 12 de outubro, polo que se aproba o Regulamento xeral da Lei de contratos das administracións públicas (RXLCAP).
- Real Decreto 817/2009 de 8 de maio polo que se desenvolve parcialmente a Lei 30/2007 de 30 de outubro de Contratos do Sector Público.
- Lei 30/1992, de 26 de novembro, de réxime xurídico das Administracións Públicas e do Procedemento Administrativo Común.
- Lei 31/1995 do 8 de novembro de prevención de riscos laborais (LPRL) e os seus regulamentos.
- Calquera outra disposición legal vixente que lle sexa de aplicación ás corporacións locais.

Código Seguro de verificación:H+HFrnNTFPF3bfZT4XfAiw==. Permite la verificación de la integridad de una copia de este documento electrónico en la dirección: <http://intranet.lugo.es/verifica>
Este documento incorpora firma electrónica reconocida de acuerdo a la Ley 59/2003, de 19 de diciembre, de firma electrónica.

FIRMADO POR	Jose Clemente Lopez Orozco - Alcalde do Concello de Lugo	FECHA	27/01/2015
	Carmen Basadre Vazquez - TA Delegada Cultura		
ID. FIRMA	afirma.pro	H+HFrnNTFPF3bfZT4XfAiw==	PÁGINA 1/3



CONSIDERACIÓNS XURÍDICAS

Primeira. No procedemento de licitación seguido para a adxudicación do contrato de prestación dun servizo de lacería a servizos asociados ao seu funcionamento non se presentou oferta algunha polo que a Mesa de Contratación propón a declaración de deserto do procedemento.

Se ben o artigo 170 do Real Decreto Lexislativo 3/2011 de 14 de novembro polo que se aproba o Texto Refundido da Lei de Contratos do Sector Público permite a aplicación dun procedemento negociado en casos en que tras seguirse un procedemento aberto non se presentara oferta algunha, a Mesa de Contratación decidiu propoñer a apertura dun novo prazo de licitación, decisión que se axusta á normativa legal aplicable.


Segunda.- En canto ó órgano municipal competente para aprobar o expediente da contratación de referencia, de acordo co disposto na disposición adicional segunda do Texto Refundido da Lei de Contratos do Sector Público, á Xunta de Goberno Local correspóndelle as contratacións e concesións, incluídas as de carácter plurianual.”

A Xunta de Goberno Local, no uso das súas atribucións, con base na proposta do referido servizo conformada pola Ilma. Sra. Tenenta de Alcalde Delegada da área respectiva, e por unanimidade dos seguintes asistentes: Excmo. Sr. DON JOSÉ CLEMENTE LÓPEZ OROZCO, Alcalde Presidente do Concello de Lugo (Grupo Municipal Socialista -GMS-); Ilmo. Sr. DON LUIS MANUEL ÁLVAREZ MARTÍNEZ, Tenente de Alcalde Delegado da Área de Urbanismo e Medio Ambiente (GMS); Ilma. Sra. DONA MARÍA DEL CARMEN BASADRE VÁZQUEZ, Tenenta de Alcalde Delegada da Área de Cultura, Turismo, Xuventude e Promoción da Lingua (GMS); Ilmo. Sr. DON MANUEL ENRIQUE CHAÍN FERNÁNDEZ, Tenente de Alcalde Delegado da Área de Infraestruturas e Medio Rural (GMS); Ilmo. Sr. DON JOSÉ MANUEL DÍAZ GRANDÍO, Tenente de Alcalde Delegado da Área de Deportes (GMS); Ilma. Sra. DONA ANA MARÍA GONZÁLEZ ABELLEIRA, Tenenta de Alcalde Delegada da Área de Benestar Social e Igualdade (GMS); o Ilmo. Sr. DON MANUEL NÚÑEZ LÓPEZ, Tenente de Alcalde Delegado da Área de Servizos Xerais e Participación Cidadá (GMS); e a Ilma. Sra. DONA ROSANA RIELO ROZAS, Tenenta de Alcalde e suplente da responsable da Área de Economía, Emprendemento, Autónomos e Educación (GMS), **ACORDA:**

PRIMEIRO.- Declarar deserto o procedemento de licitación convocado para a CONTRATACIÓN DUN SERVIZO DE LACERÍA E PRESTACIÓN DE SERVIZOS ASOCIADOS AO SEU FUNCIONAMENTO NO CONCELLO DE LUGO polos motivos recollidos na acta da Mesa de Contratación de data 14 de xaneiro de 2015 que se dan por reproducidos a efectos da súa fundamentación.

SEGUNDO.- Acordar a apertura dun novo prazo de licitación de quince días naturais contados dende a publicación do anuncio no Boletín Oficial da Provincia de Lugo para a presentación de ofertas, todo isto con suxeición ós mesmos pregos de

Código Seguro de verificación:H+HFrnNTFPF3bfZT4XfAiw==. Permite la verificación de la integridad de una copia de este documento electrónico en la dirección: <http://intranet.lugo.es/verifica>
Este documento incorpora firma electrónica reconocida de acuerdo a la Ley 59/2003, de 19 de diciembre, de firma electrónica.

FIRMADO POR	Jose Clemente Lopez Orozco - Alcalde do Concello de Lugo	FECHA	27/01/2015
	Carmen Basadre Vazquez - TA Delegada Cultura		
ID. FIRMA	afirma.pro	H+HFrnNTFPF3bfZT4XfAiw==	PÁGINA 2/3
 H+HFrnNTFPF3bfZT4XfAiw==			

prescricións técnicas e de cláusulas administrativas aprobadas pola Xunta de Goberno Local en sesión de 3 de decembro de 2014 (acordo numero 11/872)


TERCEIRO.- Publicar o anuncio de licitación no Boletín Oficial da Provincia de Lugo así como no perfil do contratante do Concello de Lugo.

CUARTO.- Notificar a presente resolución ás dependencias municipais afectadas con indicación de que esta resolución pon fin á vía administrativa e que contra ela caberá a interposición dos seguintes recursos:

- Recurso contencioso-administrativo ante o Xulgado do Contencioso-Administrativo (artigo 8 da Lei 29/1998, do 13 de xullo), nun prazo de DOUS MESES, contados a partir do día seguinte ó da notificación do presente acto.
- Non obstante o anterior, e con carácter previo, poderá interpoñer-se o recurso potestativo de reposición previsto no artigo 116 da Lei 30/1992, do 26 de novembro, ante a Xunta de Goberno Local e no prazo de UN MES, contado dende o día seguinte ó da notificación do presente acto.

E para que así conste no expediente, coa expresa advertencia prevista no artigo 206 do Regulamento de organización, funcionamento e réxime xurídico das entidades locais de que a Acta da sesión na que foi adoptado o acordo transcrito aínda non foi aprobada, e a reserva dos termos que resulten da aprobación desta, expídese esta certificación de orde do Excmo. Sr. Alcalde, don José Clemente López Orozco, coa súa sinatura e a da Ilma. Sra. dona María del Carmen Basadre Vázquez, Tenenta de Alcalde Delegada da Área de Cultura, Turismo, Xuventude e Promoción da Lingua e Secretaria da Xunta de Goberno Local.

Código Seguro de verificación:H+HFrnNTFPF3bfZT4XfAiw==. Permite la verificación de la integridad de una copia de este documento electrónico en la dirección: <http://intranet.lugo.es/verifica>
 Este documento incorpora firma electrónica reconocida de acuerdo a la Ley 59/2003, de 19 de diciembre, de firma electrónica.

FIRMADO POR	Jose Clemente Lopez Orozco - Alcalde do Concello de Lugo	FECHA	27/01/2015
	Carmen Basadre Vazquez - TA Delegada Cultura		
ID. FIRMA	afirma.pro	H+HFrnNTFPF3bfZT4XfAiw==	PÁGINA 3/3
 H+HFrnNTFPF3bfZT4XfAiw==			